



Pou Piblikasyon Imedya: 30/06/2022

GOUVÈNÈ KATHY HOCHUL

GOUVÈNÈ HOCHUL SIYEN LEJISLASYON KI VIZE PRATIK BIYÈ ENJIS NAN ENDISTRI EVÈNMAN AN DIRÈK LA

*Lejislasyon (S.9461/A.10500) pral ogmante transparans pandan pwosesis acha
tikè a lè yo entèdi frè kache pou evènman an dirèk yo*

*Pwojè Iwa pral elaji penalite pou itilizasyon lojisyèl acha, lavant tikè ki te gratis,
ak plis ankò*

Gouvènè Kathy Hochul te siyen jodi a lejislasyon (S.9461/A.10500) ki vize pratik biyè enjis, anti-konsomatè nan endistri evènman an dirèk la. Pwojè Iwa a pral ogmante transparans pou konsomatè ki achte tikè pou evènman an dirèk yo lè yo entèdi frè kache yo. Anplis de sa, pwojè Iwa pral elaji penalite pou itilizasyon wobo skalpè ak lojisyèl acha tikè, entèdi vant tikè gratis, epi entèdi frè livrezon sou tikè ki distribiye elektwonikman oswa ki enprime adomisil.

"Divètisman an dirèk depi lontan se yon sektè anpòtan nan ekonomi nou an, epi kòm konsomatè yo ak endistri a rekipere apre pandemi an, li enpòtan pou nou fè eksperyans acha tikè a pi fasil ak pi transparan", **Gouvènè Hochul te deklare**. "Pwojè Iwa sa a pral elaji penalite pou move pratik biyè ki te fè evènman an dirèk yo pa aksesib pou Nouyòkè yo pandan twò lontan. Jodi a, n ap franchi yon etap enpòtan pou asire ke chak Nouyòkè gen yon opòtinite san patipri pou jwi eksperyans atistik ak kiltirèl inik yo ke eta nou an gen pou li ofri."

Pwojè Iwa sa a pwolonje ak mete ajou "Lwa Biyè" (Ticketing Law) New York la lè li enkòpore rekòmandasyon politik ki soti nan yon ankèt lejislatif 2020-21 sou endistri tikè evènman an dirèk la nan eta a akòz enkyetid sou pratik ki kapab enjis, desevan, ak anti-konsomatè k ap fèt nan mache prensipal ak segondè yo.

Pwojè Iwa a pral ogmante amann sivil pou itilizasyon lojisyèl acha tikè epi li pral mande pou vandè ak revandè tikè yo divilge pri total yon tikè klèman ak vizibleman. Anplis de sa, pwojè Iwa a pral entèdi frè livrezon sou tikè ki enprime adomisil yo epi entèdi yo vann tikè ki te orijinalman distribye gratis.

Senatè Eta a, James Skoufis te deklare, "Pandan ke gen plis travay toujou pou fè pou asire ke endistri biyè evènman an dirèk la pran responsabilite total anvè kliyan li yo,

mwen fyè de travay nou te akonpli ane sa a pou elimine frè kache yo, asire yon pri inik pou tout bagay, batay kont wobo, ak plizyè lòt mezi pou enjekte kèk onètete nan pwosesis acha biyè a. Règ jwèt yo pou detayan tikè yo te fikse anvan menm entènèt la te egziste--yon reyalite ki te vin trè klè pliske mega vandè biyè yo te itilize règ sa yo pou anake konsomatè yo swit apre anilasyon COVID yo— epi New York ap trase chemen refòm nan tout peyi a. Mwen remèsye Gouvènè a paske li siyen pwojè lwa enpòtan sa a epi li ede kenbe plis lajan nan pòch konsomatè yo."

Manm Asanble Daniel J. O'Donnell, te deklare, "New York se episant mond divètisman an, epi asire atis, pèfòmè, ak sit yo ka rive jwenn fanatik yo epi vann tikè yo esansyèl pou siksè yo. Mwen trè fyè de lejislasyon sa a, ki kreye yon teren ekitab pou tout moun ki nan endistri a, ajoute nouvo pwoteksyon enpòtan pou konsomatè yo, epi asire ke fanatik yo ak moun ki renmen patisipe nan evènman yo gen aksè ak tikè pou tout evènman yo vle wè yo. Mwen remèsye Gouvènè Hochul paske li siyen pwojè lwa sa a, ak tout moun ki te enplike nan fòme lwa enpòtan sa a. Pou espektak yo, gwo kou piti, ak soti nan teyat pase nan mizik rive nan espò ak plis ankò, lejislasyon sa a kenbe evènman an dirèk nan New York yo an plen esò, ak pare pou yo tounen sou pwojektè."

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418